


百宋樓藏書志

1加2
796
19



明人知
籍 796
卷 19-27



爾宋樓藏書志卷六十二

存齋雜纂之六

歸安陸心源剛甫編

子部

小說類一

西京雜記二卷 舊抄本

晉丹陽葛洪稚川集

洪家世有緇子駿漢書一百卷無首尾題目但以甲乙丙丁紀其卷數先人傳之於歆欲撰漢書編錄漢事未得締構而亡故書無宗本止雜記而已失前後之次無事類之辨後好事者以

爾宋樓藏書志 卷六十二

意次第之始甲終癸爲十秩秩十卷合爲百卷
洪家 書試以此記考校班固所作殆是全
取鐫書有小異同耳并固所不取不過二萬許
言今抄出爲二卷名曰西京雜記以裨漢書之
闕爾後洪家遭火書籍都盡此二卷在巾箱中
嘗以自隨故得猶在鐫歆所記世人稀有縱復
有者多不備足見其首尾參錯前後倒亂亦不
知何書罕能全錄恐年代稍久歆所撰遂没并
洪家此書二卷不知出所故序之云丹陽葛洪
稚川序

世說新語三卷

明袁褱刊本

宋臨川王義慶撰梁劉孝標注

右世說三十六篇世所傳登爲十卷或作四十
五篇而未卷但重出前九卷中所載余家舊藏
蓋得之王原叔家後得晏元獻公手自校本盡
去重複其注亦小加剪截最爲善本晉人雅尙
清談唐初史臣修書率意竄定多非舊語尙賴
此書以傳後世然字有譌舛語有難解以它書
證之間有可是正處而注亦比晏本時爲增損
至於所疑則不敢妄下雌黃姑亦傳疑以俟通

博紹興八年夏四月癸亥廣川董莽題

隋遺錄一卷 宋刊本

唐顏師古撰

因論一卷 宋刊本

唐夔州刺史劉禹錫撰

自序

河東先生龍城錄二卷 宋刊本

唐柳宗元撰

牛氏紀聞十卷 舊抄本

唐牛肅撰崔造注

新唐書藝文志牛肅紀聞十卷

鄭樵通志藝文略紀聞十卷 唐牛肅撰紀釋氏道家異事

宋史藝文志牛肅紀聞十卷 崔造注

譚賓錄十卷 舊抄本

唐胡璩子溫撰

新唐書藝文志胡璩譚賓錄十卷 字子溫文武時人

崇文總目譚賓錄十卷胡璩撰

鄭樵通志藝文略譚賓十卷 唐胡璩撰雜載唐世事正史遺者

宋史藝文志胡璩談賓錄五卷

郡齋讀書志譚賓錄十卷右唐胡璩子溫撰皆

百代精華書志 卷六十二 三
唐朝史之所遺文武間人

唐逸史三卷

舊抄本

唐袁州盧肇子發譔

周氏手跋曰唐逸史三卷新唐書藝文志稱大中時人所作不著撰人名氏宋史志作盧氏究不知盧氏何人大中乃唐宣宗紀年唐人說部每以志怪相尚似不及宋人紀載之可徵可信也嘗讀葉少蘊避暑錄話記白樂天海山事始知此書爲盧肇所作按肇字子發袁州人登會昌三年進士第一人初爲鄂岳盧商從事江陵

節度裴休太原節度盧簡求並奏爲門吏後除著作郎遷倉部員外郎充集賢院直學士咸通中出知歙州移宣池吉三州卒賦集八卷愈風集十卷文標集三卷今皆不傳鈔撮旣竣粗校一過誤脫實多惜無可正之本并摘避暑錄話一則於後以備考嘉慶二十二年十一月旣望長洲周世敬謝菴氏識

朝野僉載六卷

舊抄本

唐浮休子張鷟文成撰

次柳氏舊聞一卷

明仿宋刊本

唐守太尉兼門下侍郎平章事李德裕編

自序

劉賓客嘉話一卷 明刊本

唐江陵少尹韋絢錄

自序

右韋絢所錄劉賓客嘉話新唐書採用多矣而人罕見全錄圖家有先人手校舊本因鑲板於昌化縣學以補博洽君子之萬一云乾道癸巳十一月旦海陵卞圓謹書

因話錄六卷 明刊本

唐趙璘撰

大唐傳載一卷 舊抄本

不著撰人名氏

自序

教坊記一卷 吳枚菴手抄本

唐著作郎崔令欽撰

自序

幽閒鼓吹一卷 明刊本

唐清河張固撰

顧元慶跋 嘉靖壬申

松窗雜錄一卷 明仿宋刊本

唐李潛編

自序

雲溪友議十二卷 明刊本

唐范攄撰

雲溪友議十二卷 舊抄本 勞季言舊藏

唐范攄著

某氏手跋曰斯抄分十二卷似屬足本按今叢書各刊則全無標題前後既多倒置字句大有改移而不分卷目與晁氏原記三卷亦甚不符

是抄本亦未足據為全帙殊不解也雪夜書此以俟另覓舊刊訂正焉雲泉識

勞氏手跋曰此帙頃在杭買之嘉禾沈雙湖吏部家書也以商本校比誤不勝改間有是處所賢於商本者唯每條標目尚存耳蟬隱

開元天寶遺事二卷 明刊本 黃蕘圃校本

五代王仁裕撰

此書所載明皇時事最詳至一話言一行事後夫字文間所引大抵出於此書者多矣紹定戊子刊之桐江學宮山陰陸子適書

黃氏手跋曰開元天寶遺事上下顧氏文房小說本也書僅明刻耳在汲古毛氏時已珍之宜此時視爲罕秘矣初書友以是書及皇甫湜輯本支遁集示余索直甚昂爲有諸名家圖記也余許以家刻書直千錢者易之未果攜之去明日往詢云需三并金後日親訪之其支集爲他人以千錢易去矣遂特此冊歸稍慰求古之心蓋毛氏舊物余本留心而陽山顧氏名元慶者在吳中爲藏書前輩非特善藏而又善刻其標題顧氏文房小說者皆取古書刊行知急所先

務矣此開元天寶遺事雖未知所從出之本云何然借西賓陸拙生藏歷代小史本證之彼已脫落幾條是此本爲善問周丈香巖有元刊本當假勘之唐朝 當有太真外傳梅妃傳高力士傳皆刊入顧氏文房小說向藏梅妃傳亦顧本太真外傳別一抄本高力士傳竟無此書安得盡有顧刻之四十種耶以明刻而罕秘如是宜毛氏之珍藏于前而余亦寶愛于後也壬申夏五月二十有五日燒燭書復翁

又曰六月上旬假得周丈藏本乃活字本也卷

百宋樓藏書志 卷六十一
上次行云建業張氏銅板印行是可證矣卷下有紹定戊子刊之桐江學宮山陰陸子適書當必從宋本出適檢新定續志書籍門有云開元天寶遺事其從宋本出無疑取勘顧本互有短長書經翻刻不無少誤耳復翁又識

又曰道光辛巳三月重取活本覆校用墨筆記其异字堯夫

又曰香巖于今春作古遺書屬諸郎有不喜此者卽轉徙之向爲余所見或借校者偶得之一二焉此書傳觀之目無之大約自留或已歸他

人矣活本有宋人跋語必出舊刻惜無從訪問耳

開元天寶遺事二卷

舊抄本

黃堯圃舊藏

五代

陸子適序

黃氏手跋曰此活字本也宋有紹定戊子刊之桐江學宮山陰陸子適書必從宋本出矣適檢新定續志書籍門有此書知卽紹定刊本也古書原委悉藉他書疏通證明之有如是者余借校此於香巖主人還書之日聊誌之以質諸同

好古書者王申夏六月望前一日復翁丕烈識
南北史續世說十卷 明刊本

唐隴西李屋撰

俞安期序 萬曆

重彫定本鑒誠錄十卷 舊抄本 吳尺鳧舊藏

蜀何光遠撰

吳氏手跋曰嘗議五代史注缺略欲加補注此
錄足備放佚第所錄詩文多取俚鄙僅成小說
家目錄中頗多點竄他人之詩不解何故至後
數卷又多採摭唐人詩話與鑑誠名命之旨似

無取焉按煉師者女冠之稱非道流通稱讀此
亦可證後來沿襲之誤辛丑小雪客白蘋紅蓼
書堂偶得此卷中夜燒燈披竟因跋繡谷亭主
焯

王文正公筆錄一卷 宋刊本

宋沂公王曾撰

南部新書十卷 明刊本 黃堯圖舊藏

宋錢後人希白撰

吳氏手跋曰錢希白名易吳越廢王保之子在
宋為翰林學士有請除非法之刑一疏於文翰

大成中見之己酉二月雪隱寶厓識

某氏手跋曰向於習察中見此書名今秋始獲首缺甲乙二卷有寶厓題識按曠園雜志署錢塘吳陳琰寶崖氏輯殆其人歟渠兄青壇稱其著述最富舊有桂蔭堂集行世亦未之見古夫子亭稿自序云序以疎拙不合於俗歸田僻居白山錦水之陰得以餘年詠歌太平故語不越一丑一壑烏花猿子之間暇錄一通寄武林吳子寶崖新安汪子于鼎不足示外人也其爲漁洋器重若此語云不知其人視其友信哉王子

任有抄本當借錄之乾隆辛酉冬日青城漫識黃氏手跋曰南部新書舊抄本傳錄甚多大都出於洪武時清隱老人所跋本然十卷中刪削過半卽有補遺亦未之備近從白堤錢聽默借錄一本較摘本頗備然脫落訛謬正復不少猶有待於他本之校勘焉余每以不得刻本爲憾去冬有書友攜一本來因世間此刻甚少疑爲宋本故索直頗昂余亦重其希有以青蚨二千錢易之惜首缺甲乙二卷在乾隆辛酉時已不能鈔補則刻本之希有益可知矣今春往晤周

香巖詢及是書云有刻本急假歸倩友陳敬明
兄影抄以成完書周本係虞山錢曾遵王藏書
故卷首有遵王手錄錢明逸序卷中多校改之
字又爲何心友所藏而孟公覆勘者館師顧澗
蘋云義門所校實勝於也是翁擬將校語錄出
余曰義門亦以不得宋刻名抄是正脫誤爲歎
則所校當有未盡可據者何不存此完好刻本
以復舊觀耶世無宋刻則此刻居然最先之本
卽有名抄本未免轉相傳錄意爲增損澗蘋讀
唐人事實尙有古奧不可解者矧其爲周秦時

書余之不敢錄入校語者正恐妄人強作解事
爾爰誌之以告後之不得善本而輕爲校改者
云嘉慶二年歲在丁巳夏五月二十四日黃丕

烈識

顧氏書周薌巖所藏也是翁何義門兩家校本

此書抄本類經不熟唐事人改竄 陳王友元

庭堅 戊 所謂王府官友一人載新舊唐志而抄

本竟削去友字其他錯誤每如此惟此刻本最

爲近之義門所改頗有未妥者如代其精 甲 五

百 王 等刻本不誤也其駁正也是翁所校之誤

多是然如改鄭康成禮記大問曰聘為待問 士
 一房光庭乃新唐書宰相世系表所謂房非姓
 也改去一字 庚 未經舉出者尙夥益徵雌黃不
 容輕下矣蕘圃有殘本缺甲乙二卷借此於周
 君薊巖抄完之而不錄兩家校語有以哉大清
 嘉慶丁巳六月八日元和顧廣圻讀一過并記
 時在士禮居之西齋

南部新書十卷 舊抄本

宋 錢後人希白撰

碧雲暇一卷 明覆宋本

宋 梅堯臣撰

涑水紀聞十六卷 舊抄本

宋 司馬光撰

友會叢談二卷 舊抄本

宋華陽上官融撰

自序

澠水燕譚錄十卷 舊抄本

宋 齊國王闢之聖塗撰

澠水燕譚者齊國王闢之將歸澠水之上治先
 人舊廬與田夫樵叟閒燕而譚說也余登科從

仕行三十年矣日欲退居故國而爲貧未果今且老矣仕不出乎州縣身不脫乎飢寒不得與聞朝廷之論史官所書間接賢士大夫譚議有可取者輒記之久而得三百六十餘事私編之爲十卷蓄之中橐以爲南畝北窗倚杖鼓腹之資且用消壯志遺餘年耳澠齊水之名其事隨所錄得之故無先後之序紹聖二年正月甲子序

前人記賓朋燕語以補史氏者多矣豈特屑屑紀錄以爲譚助而已哉齊國王闢之聖塗余同

年進士也從仕已來每於燕閒得一嘉話輒錄之凡數百事大抵盡忠義尊行節不取恠誕無益之語至於賦詠譚謔雖若瑣碎而皆有所發讀其書亦足知所存矣元祐四年予來守蒲聖塗方爲邑河東因得其錄而觀之十二月朔昌邑滿中行思復碧莎廳題

李氏手跋曰稗海所刻澠水燕譚錄十卷缺第十卷談謔一則以第四卷分作兩卷以符十卷之數又缺序目非足本也是冊乃虞山趙清常家藏本前有王聖塗自序同年進士滿中行題

語其第十卷從宋雕錄出每卷較裨海又多三十一條粲然完備亦可喜也癸丑季春雨隴李北苑題於京邸之鷗舫

江隣幾雜志二卷 舊抄本

宋江本復撰

江隣幾雜志一卷 勞季言校本

宋江本復撰

錢氏私志一卷 舊抄本

宋錢世昭撰

丁晉公談錄一卷 宋刊本

宋丁謂撰

試筆一卷 宋刊本

宋廬陵歐陽修編集

余家多文忠公書然比其沒余於篋中得十數帖耳今劉君乃能致此非篤好之不能也元豐二年正月初吉蘇轍子由題

此數十紙皆文忠公衝口而得信手而成初不加意者也其文采字畫皆有自然絕人之姿信天下之奇蹟也元祐四年九月十九日蘇軾書蘇黃門龍川略志十卷 宋刊本

宋蘇轍撰左廸功郎新授撫州宜黃縣主簿主
管學事劉信林正

自序

孫公談圃三卷 宋刊本

宋高郵孫升君孚撰

紹聖初黨錮禍起先公謫居臨汀竟捐館舍其
平生出處誕略臨汀劉君序之為詳後六十有
八年競以事來此訪先公之寓居與當時之故
老求能道先公時事者邈不可得獨慨然太息
久之偶攜所謂談圃者隨行因請于外舅郡太

守晁公欲傳於世欣然領略之遂槩於木且以
為臨汀故事云乾道二年六月望日季孫競謹
書於州治之鎮山堂

紹聖之改元也凡仕於元祐而貴顯者例皆竄
貶湖南嶺表相望而錯趾惟閩郡獨孫公一人
遷于臨汀四年夏五月單車而至屏處林谷幅
巾 屨往來乎精 幽塢之間其後避謗杜門
不出余時侍親守官長汀縣竊從公游聞公言
皆可以為後世法亦足以見公平生所存之大
節於是退而摯之集焉三卷命曰孫公談圃公

狀貌奇特眉目孤聳望之凜然可畏元祐時歷院遷堊出入中書為舍人危言讜論內外憚之已而忤時宰意以集賢殿修撰留守南都後遷天章閣待制其謫官也自南都為歸州遂以散秩謫臨汀公在汀二年竟以疾終明年歲在庚辰天子嗣位盡還公官職士大夫傷公之不及見也余辱公之知且久而公之語亦嘗屬余紀焉公之子幼而孤則其事久或不傳於是詳而述之庶幾不為奉公者非特為談圃道也公諱升字君孚高郵人建中靖國元年正月初四

日臨江劉延世述之引

孔氏談苑四卷

述古堂抄本

宋金部郎中孔平仲毅甫撰

續世說十二卷

舊抄本

張月霄舊藏

宋魯國孔平仲字毅甫撰

史書之傳信矣然浩博而難觀諸子百家之小說誠可悅目往往或失之誣要而不煩信而可考其世說之躉歟舊本分纂前言以為要覽略而未備爰有博雅君子劬而增廣之此續世說之所以作也學士孔君毅甫平仲囊括諸史派

引羣義疏剔繁辭揆敘名理釐為十二卷可謂發史氏之英華便學者之觀覽豈曰小補之哉惜其書成未及刊行轉相傳寫不無烏焉成馬之弊今茲善本從義郎李君敏得之於前靖守王君長孺相與鏤板而藏焉王親授於孔知其不謬李今為沅人徒有其本而所傳蓋未廣也紹興丁丑春雒陽王公無染濯守沅之明年郡學鼎新人材益進嘗顧謂僚佐曰沅為郡辟遠史書尤不易備會史之要莫善於世說續說又盡善也俄李氏以其書板來售即加是正復命

鑱刻以補其不足將俾人得其傳其利溥哉此書載言行美惡區以別之學者博古考類擇善而從去古人何必有間不但資談說而已然後知公措意豈苟然哉後之為政者能謹其藏勿靳其傳是亦公之用心也三月初一日長沙秦果序

沅州公使庫重修整雕補刊續世說壹部壹拾貳卷壹伯伍拾捌板用紙叁百壹拾陸張右具於前

紹興二十七年三月 日右廸功郎沅州司法

兼監使庫翁灌冊 右從事郎沅州軍事判官
閔敦仁 右廸功郎沅州州學教諭校勘胡博
右朝奉郎通判沅州州軍事秦果 左朝散
大夫知沅州州軍事王濯

今具印造續世說一部計六冊合用工食等錢
如后一印造紙墨工食錢共五百三十四文足
大紙一百六十五張計錢三十文足工墨錢計
二百四文足一標禱青紙物料工食錢共二百
八十一文足大青白紙共九張計錢六十六文
足麵臘工錢計二百一十五文足已上共用錢

八百一十五文足右具在前

擘經室外集續世說十二卷宋孔平仲撰取宋
齊梁陳隋唐五代事迹依劉義慶世說之目而
分隸之成書十二卷見於宋史本傳及藝文志
小說家類卷表相同書錄解題文獻通考皆錄
其書而近代儲藏家罕有著錄者王士禎居易
錄曾道及此書云已失傳則士禎亦不得見此
書也此書平仲無自序有紹興戊寅長沙秦果
序序言平仲書成未刊從義郎李敏得善本於
前靖守王長孺相與鏤版王親受於孔知其不

繆丁丑之春雒陽王濯來守沅之明年李氏以其書版來售卽加是正鑿刻以補其不足云云此從宋沅州刻本傳寫者卷裏完整無闕特書中部次錯雜有兩條合爲一條者抑且時代先後往往倒置蓋校勘之時不免有私爲竄改之弊必非平仲元本之誤也

畫墁錄一卷

明抄本

何義門舊藏

宋吏部侍郎張舜民芸叟謨

何氏手跋曰康熙壬辰蔣生從崑山葉氏得此本子適借汲古毛氏舊抄本稍正其訛謬然其

中向有不可讀者特比新刻庶差勝爾何焯記

湘山野錄三卷

舊抄本

黃蕘圃舊藏

宋吳僧文瑩撰

黃氏手跋曰湘山野錄余家有宋刻元人補鈔本又有毛斧季校宋本實同出一源而毛校失宋刻元鈔之真但云校宋非原書之舊矣外間傳本除毛氏津逮本外鮮有他本此冊近從坊友易得始欲手校宋刻元鈔面目于其上後檢藏本證之知是本非出毛刻與宋刻元鈔本時合時不合必別有據依未敢輕改且錄之下卷

自潘逍遙聞有詩名下

留此

爲別本之證壬申二月丕烈識

湘山野錄三卷

舊抄本

葉石君舊藏

宋 吳僧文瑩撰

玉壺野史十卷

丁鈍丁校本

繡谷亭舊藏

宋 釋文瑩撰

玉壺隱居之潭也文瑩收古今文章著作最多自國初至熙寧間得文集二百餘家近數千卷其間神道碑墓誌行狀實錄及奏議碑表野編小說之類傾十紀之文字聚眾學之暗郁君臣

行事之迹禮樂文章之範鴻勳盛美列聖大業關累世之隆替截四海之聞見惜其散在眾帙世不能盡見因取其未聞而有勸者聚爲一家之書及纂江南逸事并爲李先主昇立傳離爲十卷且夫黃帝之時世溘事簡尚有風后力牧爲史官藏其書羣玉山中知所以有史者必欲其傳無其傳則聖賢治亂之迹都寂寥於天地間當知其傳者亦古今之大勸也書成於元豐戊午八月十日餘杭沙門文瑩湘山草堂序

吳氏手跋曰晁氏讀書志皇朝僧文瑩撰玉壺

清話十卷自敘作書之山玉壺者其隱居之潭也今觀前敘可得其大概矣吳氏繡亭藏書康熙丙申九月紀

同治十二年冬十月以五硯樓抄本校過卷八後缺七八葉須別抄補入卷七嘗謂文老不衰者一條爲五硯樓所無唐彥詢一條五硯本缺後半徐常侍鉉一條五硯本缺前半惜行篋無守山閣知不足齋兩本無以校正耳陸心源識玉壺清話十卷 吳枚菴手校本

宋釋文瑩撰

吳氏手跋曰右書一名玉壺野史前明止傳五卷吳人吳岫訪得後五卷四明范欽又從岫借鈔始成完書乾隆丙申夏日借江藩本錄之未竟閱明年目疾大作旬友人王凝足成之脫句誤字幾於十之五六俟得善本正之丁酉中元枚菴湯士吳翌鳳書

又曰此書訛脫傳本皆然己亥春二月借朱文游丈藏本凡用硃筆塗改校補一千六百餘字雖未詳盡亦頗精允若其底本則與此無一不同也暇閱錢遵王讀書敏求記載有其從祖榮

木樓校本凡行間脫字一一補綴完好殆卽是本之祖乎書以志幸翌鳳又記

百宋樓藏書志卷六十三

存齋雜纂之六

歸安陸心源剛甫編

子部

小說類二

候鯖錄二卷

盧抱經校本

宋聊復翁**趙**德麟撰

鮑氏以文手跋曰候鯖錄刻于商氏稗海者凡八卷此則通爲二卷行次不甚相遠惟首尾差有更易間取商氏本校之其訛誤不下七八百處尤可笑者第二卷黃魯直讀太真外傳詩一

前宋樓藏書志 卷六十三
條所云扶風喬木斜谷鈴聲云云全然脫去而
以下條滕達道省試詩寒日邊聲斷春風塞草
長接入令人讀之不知所謂第八卷東坡水府
賦詩一則前入夢一段凡二百言俱脫去竟從
天地雖虛廓刻起有尾無頭不得此本疑團竟
不得破也惟第六一卷所載俱王性之傳奇辨
正凡十八頁此本缺之又第一卷末盧東題汴
河驛詩以下四則七卷末東坡守杭一則俱此
本所無而此本上卷白樂天琵琶行云云以下
七則及下卷某某八則則又商本所缺也校勘

畢因取其缺失者補之而一二誤字商本有可
從者悉據改正便稱善本矣惜無力刊布竟使
商本單行後人或有刻者訛以傳訛無從正其
謬悞爲可恨耳此本得之吳門其初亦不以爲
異也

盧氏手跋曰前題聊復翁德麟則著書之人也
德麟者宋宗室名令時太祖子燕懿王德昭之
五世孫也黃魯直爲宮教德麟受業焉與蘇子
瞻同官潁州故其所交多一時名士後從高宗
南渡襲封安定郡王紹興四年薨貧至無以爲

宋史有其傳此書分上下兩卷而明商氏梓于稗海中者則爲八卷與趙希弁讀書附志所載卷數合蓋在當時外間或有二本傳者不同而以志相校則此本爲勝商本第五一卷全載王性之辨會真記事而演其事爲鼓子詞十二章全類俳優此書不載蓋本不當載也餘商本有而此本無者僅五條錄附於後商本訛舛甚多而舊抄本亦復不免雖屢經校勘仍有一二脫誤不能強補者姑闕之然已大異乎舊所傳鈔本矣其商本余亦爲補正云乾隆四十有六

年五月八日東里盧文弨在晉陽須友堂書

東軒筆錄十五卷

明刊本

宋臨漢魏泰撰

余居漢陰之鄧城縣縣非驛傳之所出而居地僻紀其旦暮之所接者非山林之觀則田畷之語捨此無復見聞矣思少時力學尙游於公卿間其緒言餘論有補於聰明者雖老矣尙班班可記因叢摭成書嗚呼事固有善惡然吾未嘗敢致意於其間姑錄其寔以示子孫而已異時有補史氏之缺或訊於見聞之殊者吾皆無憾

惟覽者之詳否焉元祐九年上元日臨漢隱居

魏泰序

珍席放談二卷

文瀾閣舊抄本

宋高晦叟撰

鐵圍山叢談六卷

舊抄本

宋蔡條撰

國老談苑二卷

宋刊本

宋夷門隱叟王君玉編

道山清話一卷

宋刊本

不著撰人名氏

先大夫國史在館閣最久多識前輩嘗以聞見

著館祕錄曝書記并此書以為三仍歲兵火散

失不存近方得此書於南豐曾仲存家因手抄

藏示子孫暉老矣未知前二書尚及見乎建炎

四年歲在庚戌孫朝奉大夫主管亳州明道宮

賜紫金魚袋暉書

續墨客揮犀十卷

舊抄本

葉石君舊藏

宋彭乘撰

張氏金吾曰直齋書錄解題云墨客揮犀十卷

不知名氏述古堂書目云彭乘續墨客揮犀十

十卷伏讀

欽定四庫全書總目云墨客揮犀商濬刻入稗海題彭乘姓名蓋以書中自稱名為據而止有十卷則已佚其續集矣此本係明人舊抄亦希觀之書也後有題識云正德己巳歲夏日舊刻本摹于志雅齋

唐語林八卷

明刊本 朱竹垞舊藏

宋王謙撰

徐之鸞序

南窗紀譚一卷

舊抄本 葉石君舊藏

宋徐度著

南窗紀談一卷

舊抄本 勞季言舊藏

宋徐度著

案南窗紀談舊本不著撰人姓名愚惟施注蘇詩卷十五送顏復兼寄王鞏詩注鞏大父文正公住牛行街見徐度南窗紀談則是書度所著也中間有引虞道園立碑事乃元人所注以為蔡寬夫鑿地見竈之証傳抄既久誤入正文或據此以為元人作則謬矣內有廿二條與曲洧舊聞同

可談一卷 宋刊本

宋朱彧撰

西疇老人常言一卷 宋刊本

宋盱江何坦撰

東谷所見一卷 宋刊本

宋永嘉東谷李之彥撰

默記三卷 舊抄本

宋王銍撰

揮塵前錄四卷後錄二卷三錄三卷 宋刊本 葉文莊公策竹堂舊

藏

宋朝請大夫主管台州崇道觀汝陰王明清撰

檢准淳熙十五年五月二十四日尙書省劄子

國史院狀勘會已降聖旨指揮修高宗皇帝寔

錄續奉聖旨編修御集今來合要高宗皇帝朝

曾任宰執侍從卿監應職事等官被受或收藏

寔錄院牒泰州御筆手詔及奏議章疏劄子并

制誥日記家集碑誌行狀謚議事迹之類委守

臣躬親詢訪如逐官其間有已物故者詢其家

子孫取索如部秩稍多差人前去抄錄及委官

點對津發赴院仍許投獻優賜錢帛多者推賞

候指揮五月二十三日三省同奉聖旨依劄付院當院今訪問得泰州通判王明清有揮塵前後錄合行照使須至公文牒請詳牒內事理遵從已降聖旨指揮移文王通判借本差人抄錄委官點對無差漏疾速津發赴院守等照使幸勿違滯仍先希已依應公文回示謹牒慶元元年七月初八日牒

宣敎郎太學博士兼寔錄院檢討官戴溪 奉議郎祕書省著作佐郎兼寔錄院檢討官李璧 中奉大夫行軍器少監兼玉牒所檢討兼寔

錄院檢討官高文虎 朝請郎新除樞密院檢詳諸房文字兼寔錄院檢討官石宗昭

寔錄院牒泰州檢准淳熙十五年五月二十四日尙書省劄子節文勘會已降聖旨指揮修高宗皇帝寔錄續奉聖旨編修御集今來合要高宗皇帝朝曾任宰執侍從卿監職事等官被受或收藏御製御筆手詔及奏議章疏劄子并制誥日記家集碑志行狀謚議事迹之類今訪問得泰州通判王明清有揮塵前後錄合行照使當院已於七月內文移貴州去後至今多日未

見依應前來須至再行公文牒請詳牒內事理
遵從已降聖旨指揮移文王通判借本差人抄
錄前項所要文字委官點對無差漏疾速津發
赴院守等 使幸勿仍前違滯謹牒慶元元年

九月 日牒

宣敎郎太學博士兼寔錄院檢討官戴溪 奉
議郎祕書省著作佐郎兼寔錄院檢討官李璧
奉議郎祕書省祕書郎兼寔錄院檢討官兼
皇弟許國府敎授兼權司封郎官顏棫 朝散
郎祕書省著作郎兼寔錄院檢討官兼吳王益王

府敎授兼權兵部郎官王容 承議郎祕書丞
兼寔錄院檢討官兼權禮部郎官邵康 中奉
大夫行軍器少監兼玉牒所檢討官寔錄院檢
討官高文虎 朝議大夫起居郎兼寔錄院檢
討官兼權刑部侍郎劉德秀 朝請大夫權尙
書禮部侍郎兼寔錄院同修撰楊輔 朝奉大
夫權尙書吏部侍郎兼寔錄院同修撰應孟明
朝議大夫試中書舍人兼侍講兼寔錄院同
修撰黃由 太中大夫試吏部尙書兼侍講兼
寔錄院同修撰葉翥

三錄跋曰明清前年厠迹蹕路假居于臨安之
七寶山俯仰顧眄聚山林江湖之勝于几案間
襟懷洒然記憶舊聞纂揮塵後錄旣幸成編去
歲請外從欲贅丞海角涉筆之暇無所用心省
之胸次隨手濡毫又獲數十事不覺盈帙漫名
曰揮塵第三錄凡所聞見若來歷尙晦本末未
詳姑且置之以待乞靈于博雅之君子然後敢
書斯亦習氣未能掃除猶鷄肋之餘味耳慶元
初元仲春丁巳明清重書于吳陵官舍佳客亭
右揮塵錄一編汝陰王仲言所作也紹興辛丑

迥侍叔父尉剡叔父出仲言晁仲詩詫曰此皆
小汝若干歲雪溪先生諸子也迥茫然自失其
後得與仲信仲言游雖服其該洽當時未知學
問之有味也越二十年迥塵忝末科試吏于淮
壩得奉行政事之在民者因讀荀卿子書曰法
不貳後王又讀宣王詩曰周道粲然復興於是
思熟於本朝典故者以講論學問士夫間訪之
未獲也忽仲言出示此書乃平昔之所期不謂
近出於朋舊之中喜可知也雖然僕有疑焉仲
言富於春秋宜以壯烈上佐時用何遽留心於

著述若僕輩衰老不適用乃可娛意於簡冊之間耳仲言其懋哉乾道己丑八月左文林郎饒州德興縣丞沙隨程迥可久跋

九憲素聞仲言多識前言往行真好古博雅君子願從下風聽餘論聞所未聞爲有日矣今幸同僚于此謂可破此願也而郡邑相距餘一舍仲言入部有時不得朝夕見斯心竟未能滿間從清流王孟玉借揮麈錄觀之殆所謂窺豹一斑者因手抄之古人有云不見異人當得異書今也見其人得其書何喜如焉因誌于後傾困

倒廩尙冀自此無靳也迪功郎高郵軍教授臨汝部九憲書

李屋簡

自跋曰丘明子長班范陳壽之書不經他手故議論歸一自唐太宗修晉書置局設官雖房元齡褚遂良受詔而許敬宗李義府之徒厠迹其間文字交錯約史自此失矣劉煦之唐書薛居正之五代史號爲二氏而職長監修未始措辭嘉祐重命大儒再新唐史歐陽文忠宋景文各析紀傳故直筆糾繆之書出國朝三朝史爲大

典之冠而進呈於天聖垂簾之際名臣大節無所敘錄居多或有一事見之數傳褒貶異同自建隆抵于元符信史婁更先人於是輯國朝史述焉直欲追倣遷固舖張揚厲爲無窮之觀雖前日宗工筆削不敢更易但益以遺落損其重復如一姓父子兄弟附于本傳之次增以宗室宰執世系與夫陟黜歲月三表如新唐書之制紹興戊午中執法常公聞其事詔奉祠中視史官之秩尙方給札奏御及半而一秦專柄不盡以所著達于乙覽獨存副本私室先人弃世野

史之禁興告訐之風熾荐紳重足而立明清兄弟居蓬衣白亡所掩匿手澤不復敢留悉化爲烟霧又十五年巨援沒而公道開再命會稽官以物辦訪遺書于家但記憶殘缺以補冊府之闕而已故舊文居多此舉蓋自先祖早授學於六一翁之門命意本于六一其後先人承之故先人遷官制云汝好古博雅自其先世屬詞比事度越輩流痛哉斯文雖不傳於後代而王言可訓于萬世也明清弱齡過庭前言往行探尋舊事晷夕剝聆多歷年所憂苦摧挫萬事瓦解

不自意全莫能髡鈴以續先志乾道之初竊叢
祠之祿偏奉山陰親朋相過抵掌劇談偶及昔
聞間有可記隨卽考而筆之曰揮塵錄故人程
迥可久知名士也覽而大喜手錄而識于後繇
是流傳又嘗取司馬文正公百官公卿表與夫
陳和叔及紹興拜罷錄參考弼臣進退次第年
月列爲四圖表置之坐隅以便觀覽今鏤版于
閩蜀江浙矣丁酉春覓官行都獲登太史李公
仁甫之門命與其子仲信遊春容間偶出二編
公一見稱道再三且以宣政名卿出處下詢如

黃寔章子厚之甥不麗其舅而卒老于外方軫
蔡元長之姻姬引登言路而首論其非遂罹遠
竄潘兗朱勗里人不登其門而擯斤李森爲中
司不肯觀望王黼窮鄧之綱之獄而被逐燕雲
之役蓋成於陳堯臣王寀之枉繇盛章父子欲
害劉炳兄弟世皆亡其事跡明清不量其愚爲
冥搜倫類凡二十餘條摭據依本末告之公益
喜大加敬歎又云僕兼攝天官覩銓榜有臨安
龍山監稅見次君可俯就但食其祿而相與討
論徐請君子朝以助我明清力辭以名迹不正

且非其人而歸未幾公父子俱去國明清饒別
于秀州之杉青閘下舟中相持悵然後數年仲
信没于蜀公後雖復召領史局而明清適官遠
外參辰一見方欲造公而公已下世比焉試邑
窮塞公事無多翻篋復見舊稿愴念父祖以來
平生用心嗟夫師友之淪没言猶在耳孰令聽
之邪投老殘年感歎之餘姑以胸中所存識左
方後之覽者亦將太息于斯作淳熙乙巳中元
日朝請大夫主管台州崇道觀汝陰王明清書
明清乾道丙戌冬奉親會稽居多暇日有親朋

來過相與晤言可紀者歸考其寔而筆錄之隨
手盈秩不忍棄去遂名之曰揮塵錄非所以爲
書也長至日明清謹識

案百宋一廬賦注揮塵後錄所存祇第一第二
兩卷三錄三卷全此本後集亦祇二卷前集三
集皆完善較勝百宋一廬每葉二十二行每行
二十字小黑口卷端有葉氏棗竹堂藏書朱文
圓印及秋浦憲奎汪士鍾印三十五峰園主人
四印蓋明葉文莊公藏書曾歸蘇州汪氏者也

揮塵錄三卷

宋刊本

宋 朝奉大夫試祕書監兼侍讀楊萬里編

玉照新志五卷

舊抄本

葉石君舊藏

宋王明清撰

慶元丙午明清得玉照一於友人永嘉鮑子正色澤溫潤制作奇古真周秦之瑞寶也又獲米南宮書玉照二字因揭寓舍之斗室屏跡杜門思索舊聞凡數十則綴緝之名曰玉照新志務在直書初無私意為善者固可以為韋弦為惡者又足以為龜鑑間有奇怪諧謔亦存乎其中若夫人褫天刑則付之無心可也長至日汝陰

王明清書

數載前偶得吳門袁別駕陶齋遺書不下數十冊內有玉照新志後三卷以其不全久置高閣丙戌秋顧山周見心來為設榻留宿因話及前書遂獲全本乃手錄足成之內廣汴都賦文多訛舛至不可讀聊以存疑耳是歲臘月朔日雨窗西岩山人漫識

葉氏手跋曰曾見宋刻明清揮麈錄於賈人後為毛子晉

刻

津逮祕書集中無力得之

至今為耿近此新志愈思揮麈之不可少也康

熙戊子之秋葉石君識

顧氏手跋曰小讀書堆收得宋刻揮塵錄在乾隆末年今又歸於長洲汪氏矣此玉照新志子見諸揚州市上讀石君跋為之憮然遂質錢買焉道光壬午顧千里記

可書一卷 舊抄本

宋張知甫撰

案張知甫襄陽人見韋居安梅磻詩話

雞肋編不分卷 舊抄本 吳尺鳧舊藏

宋莊綽撰

昔曹孟德既平漢中欲因討蜀而不得進守之又難為功操出教唯曰雞肋而已外莫能曉楊修獨曰夫雞肋食之則無所得棄之則如可惜公歸計決矣阿瞞之績無見于策而其空言竟著于後是豈非雞肋之腊邪然方其掀蘆蔽鳧苾而餓于墻壁之間幸而得之雖不及于兔肩視牛骨為愈矣予之此書殆類于是故以雞肋名之紹興三年二月九日清源莊季裕云
此書莊綽季裕手集也綽博物洽聞有杜集援證 膏肓法筮法新儀行于世間其他有著述

尚多惜未之見此書經秋壑點定取以爲悅生
隨抄而訛謬最多因爲是正如右然掃之如塵
尚多有疑誤時至元己卯仲春月觀陳孝先甫
誌

周氏手跋曰庫本所收雞肋編作三卷題莊季
裕撰此爲杭州吳氏藏本首冊表題猶是繡谷
手跡旣不分卷又曰莊綽撰皆於庫本有殊繡
谷藏書甲于東南又與樊榭諸先輩撰南宋雜
事詩收輯兩宋遺文佚事極博所題當必有據
也末附元陳孝先題跋知爲賈相錄入悅生堂

隨抄按周弁陽嘗稱悅生隨抄中最多祕籍是
此書在當時亦爲希見矣突已人語

同治十二年孟冬用穴硯齋抄本校陸心源識
北窻炙輠錄二卷 舊抄本

宋施彥執編

關子開令蔣姓匠開圖書一條荆公温公最得
中制一條奇晉齋叢書刻本無蓋以其殘缺而
并刪之耳明人刻書往往如此奇晉齋乃乾隆
初人所刊猶有明人習氣書貴舊抄良有以也
光緒六年存齋記

宋相臺岳珂撰

亦齋有程焉介几間髹表可書余或從搢紳間
聞聞見見歸倦理鉛槧輒記其上編已則命小
史錄臧公月率三五以爲常每竊自恕以謂公
是公非古之人莫之廢也見曉者不若身歷滕
口者不若目擊史之不可已也審矣彼徇時者
持談以售其身或張夸以爲隆或溢厭以爲泮
言則書書則疑疑則久而亂真天下誰將質
之茲非稗官氏之辱乎況戲笑近謔辭章近雅

辨論近縱諷議近約若是而不屑書殆括囊者
夫金匱石室之臧蕘夫野人之記名雖不同而
行之者一也於是稍哀積爲編載筆者聞而譏
之曰嘻今朝廷設官盈三館大槩皆汗青事詳
覈備記載以三長含毫閣筆猶孫其難而莫之
敢議也彼齊東者何爲哉子幸生天下無事時
直竊粟縣官進不得策名蘭臺以垂信退不得
隱几全其忘言之真咕咕徒取棟牛累於世無
毫髮益而猶時四顧出啄木畫誠可笑詆余無
以復則指其程曰汝將多言日腹如五達之交

午乎汝將嘿嘿養元如老聃之柱下乎人言勿
卹汝姑謂汝將奚擇程嗒然不應予笑曰此真
良史也遂以爲序嘉定闕逢閣茂歲圍如旣望
珂序

程史十五卷

明覆宋本

宋相臺岳珂撰

自序

耆舊續聞十卷

舊抄本

宋陳鵠西塘撰

黃氏手跋曰凡書有藏至數十年而不得一別

本參互考訂者遂篋置之而已余始獲此本於
滋蘭堂朱氏幾二十餘年苦無善本可校頃新
知吳枚菴自楚中歸從渠借善本書遂出四種
示余一爲吳越備史一爲文房四譜一爲耆舊
續聞一爲近事會元備史五硯樓有抄本在余
案頭四譜與續聞舊有之遂次第手校之備史
五硯本已善四譜續聞兩種勝舊藏多矣然續
聞近刻於知不足齋亦借吳本助校故尙可緩
若四譜世旣鮮傳布吳校尤勝竟非吳本則余
本猶未盡善也會元絕不見其書托友人手錄

近日校讐之樂見聞之廣皆我新知所賜矣癸酉二月初八日復翁記

又曰癸酉二月借吳枚菴本校吳本出余仲林本此本出朱敬輿敬輿爲仲林門人其本同出一原也枚菴于余本重閱改正用紅筆又別用汪西亭立名鈔本校定用雌黃筆故多是正今借以錄校語竭一二日而畢近鮑丈刊入知不足齋謂亦見枚菴本未知有異同否也復翁又曰乙亥初夏有姪壻施棣齋之業師某介棣齋以舊書一單示余多不全者唯老學菴筆記

耆舊續聞二種獨全其價曰無之須還問其可售與否久而未得覆老學菴筆記向有臨毛斧季校本取勘之多同蓋照宋抄本也耆舊續聞亦佳與汪本爲近此朱本殊不逮因手校一過抄本字跡不工驗其風氣當在康雍間分二卷未識何據此時校勘以墨筆識之稱之曰兩卷本云一至四爲上五至十爲下復翁螢雪叢說二卷明仿宋刊本

宋子俞子成撰

余自四十以後便不出應舉人笑其無能爲也

是則然矣然而早能知退又有人之所不能爲
焉矣己之無能爲而能爲人之所不能爲此非
其所長矣乎蓋四十而不惑四十五十而無聞
焉斯亦不足畏也已夫子嘗有是言也幼誦夫
子之言不行夫子之訓既而不惑抑又無聞宜
乎退縮一頭地而莫之爲也自此功名灰念加
以拙于謀利時復優游黃卷攷究討論付之書
記囊螢映雪無所不爲塵積日久遂成一編目
曰螢雪叢說 其實也雖然囊螢映雪豈能照
耀方冊也哉于以見其學之篤而志之銳也此

史臣所以美其勤勤若是姑欲激昂後進云爾
則知今之叢是說者其亦車亂孫康之意歟慶
元庚申八月望日東陽俞成元德漫錄

隨隱漫錄五卷

明抄本

宋臨川陳隨隱**世宗**撰

漫錄五卷從柳大中氏借歸始錄七月癸未畢
於庚寅是日秋暑稍退小雨送涼殊可人意遂
口占絕句以記之心愛奇編雨汗流山妻笑我
不封侯偷閑八日閑中寫一筆看來直到頭嘉
靖丙戌秋巧夕後二日守納居士俞弁志

青鎖高議前集十卷後集十卷別集七卷

舊抄本

宋劉斧撰

萬物何常不同亦何常不異同焉人也異焉鬼也茲陰陽大數萬物必然之理在昔堯洪水羣品昏墊吾民幸而不爲魚者兇希矣鬼異物相雜乎洲渚間聖人作鼎象其形使人不逢又驅其異物於四海之外俾人不見則異物萃乎山澤氣聚散爲鬼又何足恠哉故知鬼神之情狀者聖人也見鬼神驚懼者常人也吾聖人所不言慮後人惑之甚也

劉斧秀才者自京來杭

謁余吐論明白有足稱道復出異事之數百篇予愛其文求余爲序予之文自可以動於高目何必待予而後爲光價予嘉其志勉爲道百餘字敘其所以夫雖小道亦有可觀非聖人不能無異云耳資政殿大學士孫副樞序

黃氏手跋曰此前集鈔胥至今春始完適養病內室西箱手校其誤內有原本誤而鈔胥已據文義改正輒用硃筆識于旁以存其舊甲戌閏月復翁

又曰是書後集先鈔成因手校一過中多空白

或係原來缺文或係剝去有字處或係墨塗難
辨處聊存此梗槩已耳癸酉除夕前二日校訖
復翁記

又曰說部舊本難得卽如青鎖高議世鮮傳者
客歲元妙觀前冷攤獲此藍格綿帛舊抄本卷
尾有正德年間鈔錄字且爲松崖惠先生藏本
惜已歸友人處遂借歸分手錄之此別集乃又
一人抄也復翁

又曰甲戌孟夏友人收得青鎖高議下冊乃後
集十卷完具者先以書名告余余曰爲何時抄

本友人云楮墨古拙是爲前明朝抄因遣足取
之手校于臨寫張訥菴本 實有勝是者且疑
張藏抄本亦出是前明朝抄特傳時又多一番
脫誤校改耳書以最先者爲佳信然復翁

又曰所收舊抄本覆校至再可云精審向有硃
墨兩筆校字茲悉標記其不標記者皆舊抄本
字而非由校改也朱墨校殊不足信茲就其文
理優者標記之俟讀者領會之斯可耳原本多
方格闕疑字案文義似無闕不知所據云何古
書無舊刻但從抄本作證究未可臆定也此本

雖止後集一種然所獲良多不僅在補闕數條
也不經見之書見非一本殊自幸耳四月廿有
四日復翁覆校記

歸宋樓藏書志卷六十四

存齋雜纂之六

子部

歸安陸心源剛甫編

小說類三

懷古錄一卷 舊鈔本

宋廬陵陳模子宏撰

詩不古文不古風俗不古也故凡先正格言與
夫平日得於父兄師友之訓迪講明一言一行
之合乎古者皆筆之庶志乎古者猶於是而有
攷夫詩文亦末矣然世道之升降風俗實爲之

風俗之污隆則文章與之高下是以天下之治亂每驗於斯風俗之轉移每驗於斯嗟夫金口木舌之不鳴天下之相告詔者非古也久矣奚獨詩文爲然作懷古錄寶祐二年甲寅四月旣望月庭陳 子宏序

是編率本敷明先正之所以言時或參之已見則亦其所見如此非固求爲新奇以駭人之視聽者若曰訑訑子固已知之矣則是編非爲訑記者設爲或不是者而設也模又識

東洲几上語一卷

鈔本

宋赤城散吏施清臣述

僕癖嗜書昔貪今懶中年幽憂之疾沈沈兀兀殊欠排遣胸中追憶舊多碎語散在藁冊間收拾刪改恰若干則合老釋以非三融精粗而爲一聊自警也時淳祐甲辰十月旦題之曰几上語

東洲枕上語一卷

鈔本

宋赤城散吏施清臣述

僕向丙戌歲臥疴六閱月幾失其生病枕光陰無可排遣攝之以善念厥後追錄於冊凡若干

則近獲前橐又備刪模畱爲家庭之警訓時涓

祐乙巳人日

遼東行部誌一卷

鈔本

金王寂著

壬寅夏日劔舟居士屬館上供事從永樂大典

中錄出

歸潛志十四卷

舊鈔本

顧王霖舊藏

元劉祁撰

余生八年去鄉里從祖父游宦於大河之南時
南京爲行宮因得從名士大夫問學不幸弱冠

而先子歿其後進於有司不得志將歸隱於大
皞之墟一日遭值金亡干戈流落山魏過齊入
燕凡二千里甲午歲復於鄉蓋年三十二矣因
思向日二十餘年間所見富貴權勢之人一時
烜赫如火烈者迨遭喪亂皆煙消灰滅無餘而
吾雖貧賤一布衣猶得與妻子輩完歸是亦不
幸之幸也由是以其所經涉憂患與夫被攻劫
之苦奔走之勞雖飯蔬飲水橐中無寸金未嘗
蒂諸胸臆獨念昔所與交游皆一代偉人今雖
物故其言論談笑想之猶在目且其所聞所見

百子村志 卷之十四
可以勸戒規鑒者不可使湮沒無傳因暇日記
憶隨得隨書題曰歸潛志歸潛者以所居之堂
名之也因名其書以誌歲月異時作史亦或有
取焉歲乙未季夏之望渾源劉祁京叔自敘
孫正憲公之孫諧和伯其字者來訪余曰鄉先
生劉神川宏博衍大之士倡明道學會金亂投
蹟于趙陽雷李諸子之間厭服名議守素不仕
以衛中州之氣文章議論一出於正遭亂後于
鄉有居以自容扁曰歸潛默然靜學以休息其
心意抱志未施而沒生平述作既多其弟歸愚

以嘗編類就帙曰神川遜士文集廿二卷鈔本
於世先君文莊公鄉序後進嘗收先生所著歸
潛志十四卷藏予家蓋其言論談笑時事見聞
戒勸規鑒以足備采擇之錄諧欲繡梓以垂其
名于不朽噫神川一代偉人世爲賢獻之門其
所志窮理盡性以至于命進則以斯道濟當時
退則以斯道覺後世以永聖脈一時士大夫尊
師之人文之盛實所賴焉孟子謂君子所以教
有成德者有達材者有私淑者神川私淑之徒
成德達材彬彬輩出是身雖沒而道不沒也道

寄於文文傳于世世傳其文卽傳其名矣夫何憾茲嗟世道升降人物盛衰遼金之間殆數百年太史宜有論載而舊聞闕逸後有述者可無攷訂于斯邪先生諱祁字京叔渾源人神川其白號也至大辛亥夏五月盧龍趙穆識其後

靜齋至正直記四卷

舊鈔本

元闕里外史行素居士孔齊著

雜記者記其事也凡所見聞可以感發人心者或里巷方言可爲後世之戒者一事一物可爲博聞多識之助者隨所記而筆之以補觀省未

暇定爲次第也至正庚子春二月壬寅記

山居新語四卷

影寫元刊本

元太史氏楊瑀元誠

經史之外有諸子亦羽翼世教者而或議之說鈴以不要諸六經之道也漢有陸生賈著書十二篇號新語至今傳之者亦以善著古今存亡之繼新語者有說苑世說他如筆語艾說夷堅侯鯖雜俎叢話程史墨客夜話野語等書雖精粗泛約之不同亦可備稽古之萬一若幽冥青瑣祇詭媻佚君子不道之已吾宗老山居太

史歸田後著書名山居新語凡若干卷其備古
訓類說苑摭國史之缺文類筆語其史斷詩評
繩前人之愆天蓄人妖垂世俗之警視祇詭媻
佚敗世教者遠矣其得以說鈴議之乎好事者
者梓其書徵予首列予故爲之書至正庚子夏
四月十有六日李黼榜第二甲進士今奉訓大
夫江西等處儒學提舉會稽楊維禎敘
國家承平日久制度文物禮樂之盛著在大典
其底治於累朝實比隆於三代予歸老山中習
閱舊書或友朋清談事有古今相符者上至天

音之密勿名臣之事跡師友之言行陰陽之變
異益于世道資於談柄凡目擊耳聞者悉引據
而書之積帙名曰山居新語不敢飾於文
者非惟不通曉也思他日有補于信史云至正
庚子三月旣望中奉大夫浙東道宣慰使都元

楊瑀識

南邨輟耕錄三十卷 元刊本

元天台陶宗儀九成宮

孫作序 至正丙午

山海經十八卷 明覆宋本

晉郭璞傳

郭璞序曰世之覽山海經者皆以其闕誕迂諲多奇怪俶儻之言莫不疑焉嘗試論之曰莊生有云人之所知莫若其所不知吾於山海經見之矣夫以宇宙之廖廓羣生之紛紜陰陽之煦蒸萬殊之區分精氣渾淆自相漬薄游魂靈怪觸像而構流形於山川麗狀於木石者惡可勝言乎然則總其所以乖鼓之於一響成其所以變混之於一象世之所謂異未知其所以異世之所不異未知其所以不異何者物不自異待

我而後異異果在我非物異也故胡人見布而疑贗越人見蜀而駭蠹蓋信其習見而奇所希聞此人情之常蔽也今畧舉可以明之者陽火出於冰水陰鼠生於炎山而俗之論者莫之或怪又談山海經所載而咸怪之是不怪所可怪而怪所不可怪也不怪所可怪則幾於無怪矣怪所不可怪則未始有可怪也夫能所不可不可不然則理無不然矣按汲郡竹書及穆天子傳穆王西征見西王母執璧帛之好獻錦組之屬穆王享王母于瑤池之上賦詩往來

辭義可觀遂襲崑崙之北游軒轅之宮眺鍾山之嶺玩帝者之寶勒石王母之山紀蹟玄圃之上乃取其嘉木豔草奇鳥怪獸玉石珍瑰之器金膏燭銀之寶歸而殖養之於中國穆王駕八駿之乘右服盜驪左驂騄耳造父爲御奔戎爲右萬里長騫以周歷四荒名山大川靡不登濟東升大人之堂西燕王母之廬南轅鼉鼉之梁北躡積羽之衢窮歡極娛然後旋歸按史記說穆王得盜驪騄耳驂騄之驥使造父御之以西巡狩見西王母樂而忘歸亦與竹書同左傳曰

穆王欲肆其心使天下皆有車轍馬跡焉竹書所載則是其事也而譙周之徒足爲通識瑰儒而雅不平此驗之史攷以著其妄司馬遷敘大宛傳亦云自張騫使大夏之後窮河源惡覩所謂崑崙者乎至禹本紀山海經所有怪物余不敢言也不亦悲乎若竹書不潛出於千載以作徵於今日者則山海之言其幾乎廢矣若乃東方生曉畢方之名劉子政辨盜械之尸王頎訪兩面之客海民獲長臂之衣精驗潛効絕代懸符於戲羣惑者其可以少寤乎是故聖皇原化

百代校藏書志 卷六十四
以極變象物以應怪鑿無滯頤曲盡幽情神焉
度哉神焉度哉蓋此書誇卅七代歷載三千雖
暫顯於漢而尋亦寢廢其山川名號所在多有
舛謬與今不同師訓莫傳遂將湮沒道之所存
俗之所喪悲夫余有懼焉故爲之創傳疏其壅
闕闢其第蕪領其玄致標其洞涉庶幾令逸文
不墜於世奇言不絕於今夏后之迹靡刊於將
來八荒之事有聞於後裔不亦可乎夫翳薈之
翔巨以論垂天之凌蹄跨之游無以知絳虬之
騰鈞天之庭豈伶人之所躡無航之津豈蒼兕

之所涉非天下之至通難與言山海之義矣嗚
呼達觀博物之客其鑒之哉

侍中奉車都尉光祿大夫臣秀領校祕書言校
祕書太常屬臣望所校山海經凡三十二篇今
定爲一十八篇已定山海經者出於唐虞之際
管洪水洋溢漫衍中國民人失據崎嶇於丘陵
巢於樹木鯀旣無功而帝堯使禹繼之禹乘四
載隨山刊木定高山大川蓋與伯翳主驅禽獸
命山川類草木別水土四嶽佐之以周四方逮
人跡之所希至及周輿之所罕到內別五方之

山外分八方之海紀其珍寶奇物異方之所生
水土草木禽獸昆蟲麟鳳之所止禎祥之所隱
及四海之外絕域之國殊類之人禹別九州任
土作貢而益等類物善惡著山海經皆聖之
遺事古文之著明者也其事質明有信孝武皇
帝時嘗有獻異鳥者食之百物所不肯食者東
方朔見之言其鳥名又言其所當食如朔言問
朔何以知之卽山海經所出也孝宣皇帝時擊
磻石於上郡陷得石室其中有反縛盜械人時
秀父向爲諫議大夫言此貳負之臣也詔問何

以知之亦以山海經對其文曰貳負殺窳窳帝
乃梏之疏屬之山桎其右足反縛兩手上大驚
朝士由是多奇山海經者文學大儒皆讀學以
爲奇可以攷禎祥變怪之物見遠國異人之謠
俗故易曰言天下之至賾而不可亂也博物之
君子其可不惑焉臣秀昧死謹上

馮世雍序

嘉靖十五年

潘侃跋

嘉靖十五年

穆天子傳四卷

明嘉靖刊本

汲冢古本晉郭璞注

荀勗序 晉太康二年

海內十洲記一卷 明覆宋本

漢東方朔撰

漢武帝內傳一卷外傳一卷 舊鈔本 黃琴六手校

漢班固撰

黃氏手跋曰漢武帝內傳一書凡太平廣記所錄及明漢魏叢書諸刻皆非完帙向稱汲古閣刊道藏本爲最善惜傳本亦希今春從陳子準處俗得舊鈔足本讀之知俗本皆刪節過半卽毛刻亦多脫落益見舊本之足貴矣爰倩表弟

陳竹亭影寫一帙藏之復取宋人續談助中節本彙諸刻細校一過間有舊鈔訛脫而他刻得之者附注于旁以備參攷又談助卷末跋中載有唐道士跋詳淮南八公姓氏爲他書所未經見與玉海中所引合并錄之又內外傳本一書如吳越春秋之例外傳卽內傳之下卷自刪本僅存內傳不知者遂以外傳爲別一書觀談助跋語自見然不得此本又孰從而證明之耶嘉慶庚辰立夏後三日拙經居士黃廷鑑校訖識漢武帝別國洞冥記四卷 明嘉靖敝宋本

東漢光祿大夫郭憲撰

自序曰憲家世述道書推求先聖往賢之所撰
集不可窮盡千室不能藏萬乘不能載猶有漏
逸或言浮誕非政教所同經文史官記事畧
而不取蓋偏國殊方竝不在錄愚謂古曩餘事
不可得而棄況漢武帝明俊特異之主東方朔
因滑稽浮誕以匡諫洞心於道教使冥迹之奧
昭然顯著今籍舊史之所不載者聊以聞見撰
洞冥記四卷成一家之書庶明博君子該而異
焉武帝以欲窮神仙之事故絕域遐方貢其珍

異奇物及道術之人故於漢世盛於羣生也故
編次之云爾

王子年拾遺記十卷 明刊本

晉王嘉撰梁蕭綺錄

蕭綺序

續齊諧記一卷 明嘉靖做宋本

梁吳均撰

齊諧志怪者也蓋莊生寓言耳今吳均所續特
取義云耳前無其書也攷文獻通攷書目亦云
至元甲子吳郡陸友記

百衲樓藏書志 卷六十四
三
冤魂志一卷

舊鈔本

北齊黃門侍郎顏之推撰宋茶陵陳仁子同校

集異記二卷

明鈔本

唐河東薛用弱撰

博異志一卷

明嘉靖刊本

唐谷神子纂

名還古

自序

前定錄二卷

宋刊本

唐崇文館校書郎鍾輅纂

自序

劇談錄三卷

明覆宋本

唐將仕郎崇文館校書郎康駢述

自序

乾甯二年

盧氏手跋曰乾隆壬子鈔十一月二十五日以

刻本校盧弓父

次年七月十日重校竟兩本各有得失取短棄

長俱成善本矣七十七叟記

開天傳信記一卷

宋刊本

唐吏部員外郎鄭棨撰

自序

稽神錄六卷補遺二卷

舊鈔本

宋東海徐鉉著

姚氏手跋曰稽神錄七卷南唐徐鉉撰記神怪之事序稱乙未歲至乙卯凡二十年僅得百五十事楊大年云江東布衣蒯亮好大言夸誕鉉喜之館於門下稽神錄中事多亮所言余按馬端臨經籍攷其爲說如此今錄七卷共一百九十一條與端臨數不合然事雖神怪多該實非他小說駕空者比也故命館童學書者榻之藏之茶夢閣以備老境消閒之具其原本蓋得

諸陸脩吉氏云嘉靖癸卯春三月初吉勾吳姚舜咨識于南湖精舍

黃氏手跋曰此舊鈔本稽神錄二冊嘉靖時姚舜咨家藏書也其源流載姚跋語中茲不贅余以白金五星易諸書友郁姓郁姓喜甚以爲此字篋中物而竟有出銀易之者且其同伴亦以爲此五星意外得來遂拉往飯鋪爲沽酒市脯計蓋書友視此書字迹惡劣紙墨污敝決非有用物也而余則喜甚非但姚舜咨跋可證書之源流且取校向藏秦西巖鈔本復經蔣揚孫校

補者知此爲祖本彼猶有傳寫臆改之病而此不加裝潢仍恐後之見是書者復爲書友之續因重裝之工費較書直奚啻數倍旁觀有竊笑者余曰余獨非爲字篋中物起見耶特惜字分金過重耳相與一笑而罷因書諸卷尾乙丑小春望日蕘翁丕烈

又曰癸酉初秋有書友從冬烘書塾中易得破書二種過余閒談其意非以其求售也余檢得塵史一本墨敝紙渝卻是舊鈔因遂畱之取校義門于校余淡心藏本知今所見的是底本勝

於舊藏多矣啟櫛見此稽神錄其書之舊而佳後所得勝於前所藏最勝之本以無意得之情事適同喜而書其顛末於此時秋雨生涼夏伏炎威頓減其半復翁識

太平廣記五百卷

明刊本

宋翰林院學士中順大夫戶部尙書上柱國賜紫金魚袋李昉等編

臣昉等言臣先奉敕撰集太平廣記五百卷者伏以六籍旣分九流竝起皆得聖人之道以盡萬物之情足以啟迪聰明鑒照今古伏惟皇帝

百字樓藏書志 卷六十四 五
陛下體周聖啟德邁文思博綜羣言不遺眾善
以爲編秩既廣觀覽難周故使采摭菁英裁成
類例惟茲重事宜屬通儒臣等謬以謏聞幸塵
清賞猥奉修文之寄曾無敘事之能退省疎蕪
惟增醜冒其書五百卷并目錄十卷共五百十
卷謹詣東上閣門奉表上進以聞冒瀆天聽臣
昉等誠惶誠恐頓首頓首謹言太平興國八年
八月十三日
將仕郎守少府監丞臣呂文仲臣吳淑 朝請
大夫太子中贊善柱國賜紫金魚袋臣陳鄂

中大夫太子左贊善直史館臣趙鄰幾 朝奉
郎太子中允賜紫金魚袋臣董洎 朝奉大夫
太子中允賜紫金魚袋臣王克貞臣張洎 承
奉郎左拾遺直史館臣宋白 通奉大夫行太
子率更令上柱國賜紫金魚袋臣徐鉉 金紫
光祿大夫上柱國陳縣男食邑三百戶臣湯悅
朝散大夫充史館修撰上柱國賜紫金魚袋
臣李穆 翰林院學士朝奉大夫中書舍人賜
紫金魚袋臣扈蒙 翰林院學士中順大夫戶
部尙書知制誥上柱國隴西縣開國男食邑三

百戶賜紫金魚袋臣李昉

八月二十五日奉敕送史館六年正月奉聖旨

雕印版

錄異記八卷

明刊本

項藥師舊藏

蜀相光庭撰

自序

博物志十卷

舊鈔本

晉司空張華撰

地理畧自魏氏日已前夏禹治四方而制
之余視山海經及禹貢爾雅說文地志雖曰悉

備各有所不載者作畧說出所不見粗言遠方
陳山川位象吉凶有徵諸國境界犬牙相入春
秋之後竝相侵伐其土地不可具詳其山地澤
畧而言之正國十二博物之士覽不卸焉

酉陽雜俎二十卷續集十卷

勞異卿校本

唐臨淄段成式撰

自序

段成式酉陽雜俎三十卷唐書藝文志載之於
丙部余錄小說家今陳君所刊止前集二十卷
又缺其序余以家藏續集十卷并前集之序畢

之遂爲全書謹按成式出於將相之胄襲乎珪組之榮而史氏稱其博學強記且多奇篇祕籍余攷其所論謬蓋有書生終身耳目之所不能及者信乎其爲博矣然是書也世所罕覩是以周史君訪之而未有管博士得之而未全余家聚書萬有餘卷與編隱帙居多而此書偶在所錄陳君知而求之甚力姑序所以俾廣其傳嘉定癸未六月旣望武陽鄧復應甫題

唐段成式以將相之胄博學強記尤好語怪著酉陽雜俎二十卷續集十卷行世今刻本有前

後二種皆二十卷而續集不傳雖以胡元瑞之廣收博取卒未遇其原本僅於太平廣記錄出爲一冊亦莫能完十卷之舊語具二酉綴遺中此雜俎續集十卷字畫樸拙次序詳整的係宋人寫本實典常妹倩所贈也典常陸其姓子餘給諫之曾孫以余酷嗜宋鈔書籍故割愛見與乃命工裝成因紀歲月時泰昌紀元八月望日玉峯張丑廣德甫記

勞氏手跋曰此米芾舊藏鈔本少末一卷又卷二二三及後二卷凡少四十七則雖多傳寫之誤

以勘刊本有絕勝處刊本多所校改有不得其
語意而妄改者非此本末由正之米菴閒有校
正處且分金剛經鳩異作上下則不知其何所
據今姑注於邊闌之下此本米菴定爲宋鈔殆
未必然乃從宋刻傳鈔爾丹鉛精舍主人書
又曰初八日將午校畢鈔本有嘉定癸未鄧復
後序影寫增入宋刻雖未得見實亦坊本耳
卿權識于拂塵埽葉之樓
又曰閏月中曾經覆校茲再校一過又補正一
二字比較之難且如此十月初八日鐙下記

續博物志十卷

明刊本

宋李石撰

自序

夷堅甲志二十卷乙志二十卷丙志二十卷丁志二
十卷

宋刊本

明文衡山舊藏

宋洪邁撰

沈天祐序

乙志自序

丙志自序

丁志自序

案此書宋刻元印每葉十八行每行十八字有
 玉蘭堂白文方印竹塢朱文長印阮伯元印朱
 文方印嚴元照印白文方印嚴氏久能朱文方
 印阮長生印白文方印蓋明時為文衡山文竹
 塢所藏 國初歸季滄葦嘉慶中歸吾郡嚴久
 能者也陸師道手錄賓退錄一條于目錄後及
 卷一末小楷極精

新編分類夷堅志五十卷

明覆宋本

宋鄱陽洪邁景廬記述建安景氏祖榮類編

續夷堅志二卷

舊鈔本

元太原元好問裕之纂

子思子云國家將興必有禎祥國家將亡必有
 妖孽洪景廬夷堅志多政宣事元好問續志多
 秦和貞祐事其視平世有閒耳窳窳叟

余鈔北地棗本續夷堅志四冊實遺山先生所
 撰也至正戊子武林新刻金史因獲一觀謹臆
 此傳附于所書之後云是年花朝日吳下王東
 起善識

遺山中原人使生宋熙豐間與蘇黃諸人同時
 當大有聲不幸出完顏有國日雖偏方以文飾

戎事用科舉選人惜又在貞祐前後不得掌其箋牒文柄故閒居著述觀其文與詩詞宏肆恢宕及所傳其國人號中州集人各十傳其顛敘其行業仕隱詩則一聯不遺宋士夫淪陷其國者槩見于末文有史法其好義樂善之心益廣矣所續夷堅志豈但過洪景廬而已其自序可見也善惡懲勸纖細必錄可以知風俗而見人心豈南北之有閒哉北方書籍率金所刻罕至江南友人王起善見亟鈔成帙其學富筆勤又可知矣特以示余時日將夕讀至丙夜盡四卷

深有啟于余心以病不能鈔姑識此未而歸之壬申歲之除商止宋元子虛書於沙頭白漚眠處

中州曾歷覽底處覓孤墳勳業元無我文章正數君淵源由史漢警策出機雲予亦尙奇者何期廣見聞吳道輔景文

遺山先生續夷堅志二卷乃吳中王起善鈔本介歸芥甫夏侯至正二十三年癸卯歲閏三月十七日丁亥借錄至四月七日丙午錄畢於泗北邨居映雪齋華亭在家道人孫道明明叔時

六十又七也

湖海新聞前集二卷後集二卷

舊鈔本

不著撰人名氏

